

Siðanefnd Blaðamannafélags Íslands

Mál nr. 10/2005-2006.

Kærandi: Óskar nafnleyndar.

Kærðu: Valur Grettisson, blaðamaður, og ritstjórarnir Björgvin Guðmundsson og Páll Baldvin Baldvinsson.

Kæruefni: Fréttir af ræstingakonu sem talin var grunuð um þjófnað.

Kæran barst siðanefnd í bréfi dags. 5. apríl 2006 frá lögmanni kæranda, Jóni Egilssyni hdl. Málið var tekið fyrir á fundum siðanefndar 8., 15., og 22. maí 2006. Sjónarmið kærðra komu fram í rafþósti Páls Baldvins Baldvinssonar, ritstjóra DV, sem barst siðanefndinni 15. maí 2006. Kærandi óskar nafnleyndar, og er orðið við þeirri beiðni í úrskurði þessum.

Málavextir:

Dagana 24. og 25. mars 2006 birtust fréttir í DV um þjófnað á ca. tveimur milljónum króna af bankareikningi starfsmanns Brimborgar hf. með færslum úr heimabanka hans. Í fyrirsögn á forsiðu DV fyrri daginn kemur fram að önnur tveggja skúringakvenna hjá Brimborg hf. væri grunuð um að hafa stolið milljónunum tveimur. Jafnframt kom fram í undirfyrirsögn að hin grunaða hefði áður tengst fjármálamisferli og væri óvirkur spilafikill.

Í frétt á bls. 8 hinn 24. mars 2006 segir að kona sem vinni við skúringar sé grunuð um að hafa komist í tölvu nafngreinds starfsmanns Brimborgar hf. og millifært milljónirnar inn á reikning bróður síns. Segir í fréttinni að samkv. heimildum DV muni hin grunaða hafa komist í gögn starfsmannsins í gegnum starf sitt sem skúringakona. Hin grunaða sé 28 ára og hafi áður verið orðuð við fjárvík.

Í frétt á bls. 6 í DV hinn 25. mars 2006 segir að skúringakonan sem grunuð sé um að hafa stolið tæpum tveimur milljónum króna af starfsmanni Brimborgar hf. hafi áður verið dæmd fyrir þjófnað þegar hún vann sem afgreiðslukona hjá 10-11 á árinu 2000. Er málsatvikum þess máls lýst ítarlega, ítrekað sagt frá grunsemendum á hendur henni vegna þjófnaðar af bankareikningi starfsmanns Brimborgar hf. Jafnframt er upplýst að hin grunaða neiti öllum ásökunum í þá veru.

Í kæru lögmanns kæranda segir að umbjóðandi hans hafi fengið upphringingu frá Vali Grettissyni blaðamanni DV degi fyrir birtinguna 24. mars 2006 þar sem hann hafi borið á kæranda framangreind fjárvík, en auk þess upplýst að frétt myndi birtast daginn eftir um málið, ásamt nafni og mynd kæranda. Eftir samtal við umbjóðanda sinn umraðdan dag segist lögmaðurinn hafa rætt við þann löggreglumann sem með málið hafði að gera og sá hefði upplýst sig um að kærandi væri ekki grunaður í málínu. Lögmaðurinn segist þá hafa

hringt í Val blaðamann og upplýst hann um þetta atriði og jafnframt mótmælt fyrirhuguðum fréttalutningi, þ.e. áformum um að bendla kæranda við málið. Segist lögmaður kæranda hafa fengið loforð um að tekið yrði tillit til þessara sjónarmiða. Þrátt fyrir þetta hafi fréttirnar birst, eins og að framan greinir.

Í kærunni segir; „aðför DV að umbj. mínum er með ólíkindum. Vitandi að umbj. minn liggur ekki undir grun í málínu skv. löggreglu slengir DV ofangreindu á forsíðu. Þrátt fyrir að umbj. minn sé ekki nafngreindur eða birt mynd af honum í þessu blaði 24. mars er ljóst við hvern er átt. Allir sem þekkja til umbj. míns og þeir sem tengjast Brimborg vita hvern DV á við. Bersýnilega ranglega og andstætt betri vitund, segir DV að umbj. minn sé sterkelega grunuð um verkið. Þá er ýjað að því að umbj. minn skoði viðkvæm gögn í tölvum starfsmanna Brimborgar eftir að þeir fara heim úr vinnu“. Segir í kærunni að fréttalutningurinn og tilheyrandi aðdróttanir hafi verið „mjög meiðandi“ fyrir kæranda og hafa þann „tilgang einan að meiða æru hennar.“

Varðandi síðari fréttina sem birtist 25. mars 2006 og fjallar um fimm ára gamalt refsímál á hendur kæranda, þar sem kærandi var dæmdur fyrir að stela rúnum 20 þús. kr., segir í kærunni; „ekkert tilefni er til að DV birti nær “heilsíðufrétt” um það mál svo löngu síðar. Þá segir í fyrirsögn að skúringakonan hafi áður verið dæmd fyrir þjófnað líkt og hún hafi astur verið dæmd núna!“ Telur lögmaður kæranda að DV hafi brotið gegn 4. og 5. gr. síðareglna Blaðamannafélags Íslands með umfjöllun sinni.

Kærðu segja í umsögn sinni til síðanefndar að heimildir hafi borist um ofangreindan þjófnað inná ritstjórm DV hinn 23. mars 2006. Staðfest hefði verið þegar líða tók á kvöldið að atburðurinn hefði átt sér stað, og haft eftir framkvæmdastjóra Brimborgar að viðeigandi ráðstafanir hafi verið gerðar. „Staðfest var að einstaklingur í ræstingum væri grunuð um stuldinn eða aðild að honum. Staðfest var að löggreglan ynni að rannsókn málsins. Samkvæmt heimildum DV beindist grunurinn alfarið að einum af tveimur stafsmönnum í ræstingum í fyrirtækinu. Heimildir greindu einnig frá fyrri afbrotaferli þess sem grunaður var.“ Á grundvelli framangreindra heimilda var fréttin sem birtist 24. mars 2006 rituð. Kærðu segja að engin gögn, s.s. hljóðritanir, liggja fyrir um samskipti blaðamanns DV og lögmanns kæranda hinn 23. mars 2006. „Sem gögn eru frásagnir lögmannsins einskis virði“, segir í umsögn kærðra. Þá segja kærðir, að „önnur frétt af þessu tilefni“ hafi birst deginum eftir, þar sem „rakinn“ var „dómur yfir viðkomandi einstaklingi frá 2000. Voru málavextir raktir og einnig greint frá að stúlkun neitaði að hafa átt þátt í ráninu úr heimabankanum í Brimborg. Enn var nafnleysi stúlkunnar virt og ekki birt af henni mynd.“

Upplýst er í umsögn kærðu, að í frétt i DV 5. apríl 2006 hafi bróðir hinnar grunuðu játað aðild sína að málínu en lagt áherslu á sakleysi systur sinnar. Jafnframt segir þar frá frétt í Fréttablaðinu 9. maí 2006, þar sem fram komi að bróðir kæranda hafi játað þjófnaðinn á sig, en jafnframt að kærandi lægi ekki lengur undir grun, en vitorðsmaður bróðurins innan Brimborgar væri hins vegar enn ófundinn.

Umfjöllun:

Siðanefnd getur tekið undir með ritstjórn DV, að ofangreindur þjófnaður úr heimabanka starfsmanns Brimborgar hf. hafi verið fréttaeftni og eðlilegt að segja frá honum í fjöldum. Þó telur siðanefnd of langt gengið að greina jafn nákvæmlega frá grunsemdum um meinta sekt kæranda í málínu og DV gerir í umrætt sinn. Umfjöllunin jaðraði við nafnbirtingu og þó liggur ekkert fyrir um að löggregla hafi grunað kæranda um þjófnaðinn. Með þetta í huga er umfjöllun DV um fimm ára gamlan refsídóm kæranda jafnframt verulega ósanngjörn.


Siðanefnd telur að DV hafi ekki gætt nægilegrar aðgátar og varfærni við fréttaskrif sín í ofangreindu máli. Siðanefndin telur að með vinnubrögðum sínum hafi ritstjórn DV brotið gegn 3. gr. siðareglна Blaðamannafélags Íslands.


Úrskurður:

Ritstjórn DV telst hafa brotið gegn 3. grein siðareglна Blaðamannafélags Íslands. Brotið er alvarlegt.

Reykjavík, 22. maí 2006.

K.H.
Kristinn Hallgrímsson

Brynhildur Ólafsdóttir

Salvör Nordal


Hjörtur Gíslason

Sigurveig Jónsdóttir
